

四庫全書

史部

欽定四庫全書

史部

欽定大清會典則例卷五十九
六十

詳校官檢討臣劉炘

編修臣程嘉謨覆勘

總校官原任中允臣王燕緒

校對官中書臣孫梅

謄錄監生臣徐莊

欽定四庫全書

欽定大清會典則例卷五十九

禮部

儀制清吏司

經筵

一

經筵順治九年定每歲春秋仲月各舉

經筵一次大學士知

經筵事以尚書左都御史通政使大理卿學士等官
侍班以翰林院官二人進講○十四年議準每
歲春秋行

經筵禮豫期禮部行知欽天監諏吉內閣酌定講官
人數均具疏奏

聞經書講章令講官撰擬內閣改定恭呈

御覽○康熙二十四年

文華殿告成

經筵前一日祇告

皇師

帝師

王師

先聖

先師於

傳心殿○是年定以大學士尚書左都御史學士
詹事由翰林出身者充

經筵講官○雍正三年

諭自古修己治人之道載在經書帝王御宇膺圖咸資
典學我

聖祖仁皇帝天亶聰明而好古敏求六十餘年孜孜不
倦朕幼承

庭訓時習簡編自即位以來更欲以研經味道之功為
敷政寧人之本顧以亮陰之際未舉經筵今八月二
十三日為釋服之期爾部可擇日舉行經筵典禮欽

此○乾隆五年奏準衍聖公入

覲來京恭遇

經筵即令入班聽講○是年

諭經筵之設原欲敷宣經旨以獻歲規朕觀近日所
進講章頌揚之辭多而歲規之義少殊非責難陳
善君臣咨儆一堂之意人君臨御天下敷政寧人
豈能毫無闕失正賴以古證今獻可替否庶收經
筵進講之益若頌美過甚不能實踐躬行反滋朕

心之愧此後務剴切敷陳期有裨於政治學問勿
尚鋪張溢美之虛文而無當於稽古典學之實義
欽此○七年

諭今日舉行經筵典禮禮部據向例以天雨奏請改
期朕思魏文侯將出獵而雨左右不欲行文侯曰
吾已與虞人期矣豈可無一期會哉乃往身自罷
之夫田獵之娛尚不以遇雨失期况經筵大典業
經祭

告自應舉行但執事諸臣例應在丹墀內行禮未免
衣冠沾濕著衣雨服列班駕到即入殿進講講畢
即奏禮成其階下行禮殿內賜茶諸儀停止嗣後
遇雨皆照此例欽此

一

日講順治九年定每歲於春秋仲月

御經筵後舉行

日講禮嗣後率以為常冬夏至前一日乃輟講○

又定每日講章滿漢講官分撰繙譯謄繕畢先期以正本進呈

御覽○又定滿漢進講官滿一人漢二人或三人每日奉副本詣

乾清宮設於案行一跪三叩禮畢以次進講講畢行一跪三叩禮退○康熙十六年奉

旨講官進講畢免行一跪三叩禮

視學

一
視學順治九年定先期禮部具題差行人

召衍聖公五經博士各氏後裔乘傳赴京觀禮至

日

世祖章皇帝幸太學行釋奠禮畢詣彛倫堂

御講帷國子監祭酒講四子書司業講經宣

制以勉太學諸生翼日衍聖公及祭酒等上表行禮

賜衍聖公內院翰林官祭酒司業五經博士各氏後裔

及禮部太常光祿鴻臚寺各執事官燕於禮部
越二日於

午門前

賜衍聖公貂冠朝服滿漢祭酒司業錦緣領袖紵絲袍
監丞五經博士各氏後裔筆帖式紵絲袍助教
肄業生白金各有差各氏後裔並送監讀書廣
國子監鄉試中額十有五名又頒

勅諭一道勉勵諸生祭酒奉置采亭率屬前導至太學

開讀祭酒率衆行禮畢刊刻懸設彝倫堂越三日衍聖公祭酒司業率五經博士各氏後裔及學官諸生於

午門外謝

恩○十七年重修

文廟落成

視學禮儀與九年同○康熙八年

聖祖仁皇帝幸太學行釋奠禮講學於彝倫堂頒

勅諭一道

賜衍聖公國子監祭酒以下與順治九年同各氏後裔
送監讀書者十有五人國子監鄉試廣中額八
名○雍正二年

諭帝王視學大典所以尊師重道為教化之本朕覽史
冊所載多稱幸學近日奏章儀注相沿未改此臣下
尊君之辭朕心有所未安今釋奠伊邇朕將親詣行
禮以後奏章儀注稱幸非宜應改為詣學欽此 又

諭禮部朕於三月內舉行視學釋奠大典衍聖公例應陪祀聞孔傳鐸有疾且值守制之初可令伊子弟一人來京代伊行禮欽此遵

旨行文衍聖公將候襲適長孫並伊子弟列名奏請奉旨代衍聖公本應令伊適長孫行禮但年尚幼令伊等酌量一人乃以次子候襲五經博士孔繼溥代行禮續由部奏請服色仍照本身品級坐次在一品官之末奉

旨既代行聖公行禮仍令在原班坐○是年

世宗憲皇帝詣學典禮與康熙八年同

賜衍聖公國子監祭酒以下皆如康熙八年其在京進

士舉人與觀禮者與貢監生同

賜白金各氏後裔送監讀書者十有五人廣國子監鄉

試中額十有八名○乾隆二年

諭

先師孔子聖集大成教垂萬世我

皇祖聖祖仁皇帝

皇考世宗憲皇帝

親詣辟雍登堂釋奠儒臣進講經書諸生園橋觀聽雍
雍濟濟典至盛也朕祇承丕緒嚮慕心殷國學

文廟特命易蓋黃瓦以展崇敬埃工程告竣之日朕
躬詣釋奠用昭重道隆

師作人造士至意欽此○是年奏準閔氏冉氏言氏
卜氏顓孫氏端木氏世襲五經博士均照五氏

之例行取陪祀並取閔冉等氏各二人赴京觀禮○三年

皇帝視學典禮與雍正二年同重頒

勅諭一道四配十二哲後裔暨元聖周公裔東野氏來京觀禮者三十一人均送監讀書廣國子監鄉試中額十有八名○是年召

見衍聖公暨五經博士各氏後裔等十有八人奉

諭爾等皆聖賢後裔因朕視學來京特行召見爾等

既為聖賢之後即當心聖賢之心凡學聖賢者非徒讀其書而已必當躬行實踐事事求其無愧方為不負所學況身為聖賢子孫尤與凡人不同不能實加體驗徒驚讀書之名實與祖德家風不能忝爾等務須勤思勉勵克紹先傳以副朕諄切期望之意欽此

賜衍聖公國子監祭酒以下與雍正二年同加

賜衍聖公

御製樂善堂文集徽墨二匣貂四至聖後裔五人各
貂三五經博士各貂二文集徽墨同

一闕里講學康熙二十三年定宣講經書以聖
裔賢裔充進講官以大學士充宣

勅官經書講章由翰林院撰擬均先期奏請

欽定前期一日恭設

勅諭於大成門東詩禮堂內東旁案上設講案於堂
西檐下陳經書講章於案至日

聖祖仁皇帝致祭

先師孔子禮畢乃

御詩禮堂進講講畢宣

勅

勅曰至聖之道與日月並行與天地同運萬世帝王咸
所師法下逮公卿士庶罔不率由爾等遠承聖澤世
守家法務期型仁講義履中蹈和存忠恕以立心敦
孝弟以修行斯須勿去以奉先訓以稱朕懷爾等其

祇遵母替宣訖謝

恩畢

駕還行宮各退○是年

賜衍聖公蟒衣狐裘貂裘各一襲表裏各五端知曲阜

縣事及五經博士各氏後裔進士舉人貢監生

生員各銀幣有差○乾隆十三年

車駕東巡致祭

先師孔子

御詩禮堂講學典禮與康熙二十三年同○是年奏
準設

御案於詩禮堂

御座南陳講章正本於

御案○又奏準東野氏閔氏冉氏言氏卜氏端木氏
各後裔照孔顏曾孟仲五氏之例同赴講堂聽
講○是年

賜衍聖公蟒衣狐裘貂裘各一襲表裏各五端

御製樂善堂文集

御製日知薈說十三經二十一史明史唐宋文醇各
一部曲阜縣知縣五經博士各采幣一端衣一

襲

御製日知薈說朱子全書各一部各氏後裔在仕籍
者及進士舉人各采幣一端衣一襲貢監生員
衣一襲○是年

諭

先師修道立教天下萬世服習

聖訓咸有以自善其身況為子孫者乎卿以宗裔奉
祠紹封列爵既優崇矣當思淵源何自夙夜敬勉
親師向學以植德基慎言謹行以培德器循循詩
禮之教異日卓然有所成就允孚令望表率族黨
俾當世知

聖人之後能守家傳而勿替非徒章服之榮已也豈
不休哉其祇遵罔斁欽此○又

諭朕東巡至曲阜敬禮

先師躬詣講堂觀宗廟百官之盛衍聖公既優加賞
賚其餘聖賢後裔應一體加恩凡孔氏及十二氏
子孫官員著加一級進士舉人各賞銀十兩貢監
生員各五兩俾共沐榮恩鉅典欽此○又

諭朕躬詣闕里釋奠

廟堂車服禮器用慰仰止之思念魯國諸生素傳禮
教應加恩黌序廣勵人材山東通省入學額數著

加恩增廣一次府學大學增取三名中學二名小學一名以廣

聖澤以光文治欽此○又

諭朕此次東巡加恩士類已令增廣入學名數復念十三氏子孫遠承世緒濟濟膠序其中當有文學可觀讀書立品之彥宜加甄拔以廣恩施其令該學政考驗其文行兼優者數人咨送禮部貢入成均示鼓勵焉欽此

欽定大清會典則例卷五十九

欽定四庫全書

欽定大清會典則例卷六十

禮部

儀制清吏司

巡幸

一

巡幸順治八年定

聖駕巡幸別造

香寶攜行六部都察院鑾儀衛等衙門官

行幸扈從各由禮部別鑄一印加

行在二字攜用其

特遣侍衛等均用鑾儀衛印○又定

鑾駕啓行鹵簿樂器照常陳設內大臣侍衛等均於
駕後分隊隨行每隊馬首排齊前後相距丈許各隊

伍毋許越次遇狹隘處候前隊過畢後隊方行

不得溷爭若奉

旨傳後隊侍衛等官由兩旁進退不許衝入儀仗侍衛等官從人均在後隊隨行若侍衛等官易馬至後隊易畢馳入本隊○又定

巡幸時王貝勒遇

乘輿即令執事迴避候

駕過乘馬隨行扈從王貝勒隨從人員各照定數於大清門外齊集候

駕出王等在旁稍後隨行王等各隨護衛三人按該

王等左右翼隨行其餘護衛各依旗分次序排列於

駕後隨行王貝勒若赴

御前止許親身從旁入

召問則勒馬稍後欠身恭對如易馬至隨從人員處
易畢隨行或赴

駐蹕所於三十餘丈外下馬○又定扈從大臣官員
候

駕過並王貝勒護衛過畢按各旗次序隨行若

召問時從旁入勒馬稍後欠身恭對赴

駐蹕所於六十餘丈外下馬○又定

乘輿行幸隨

駕及不隨

駕諸王貝勒咸盛服於

太和門齊集候

駕出宮於金水橋兩旁序立

駕至跪候

駕過隨行其不隨

駕見子以下文武各官及隨

駕都統咸盛服於

午門外常朝處兩旁序立

駕出

午門皆跪候

駕過扈從之都統隨行不隨

駕王以下都統以上送

駕候

旨乃退隨

駕護軍統領副都統叅領等各率本旗官兵於

駕出之門外排列跪候

駕過各照旗按隊隨行

回鑾至

京城日在京諸王貝勒咸朝服於

午門外兩旁序立貝子以下文武各官咸朝服於
午門外常朝處兩旁序立

駕入

端門王以下各官皆跪候

駕過王貝勒貝子公等隨進

午門

駕還宮皆退○又定

行幸處外藩王公等來朝如設燕大臣會集鳴贊官

贊禮不設燕則大臣不集行禮時不贊

命坐行一叩禮按品序坐○又定

乘輿經過地方文官知縣以上武官守備以上在百
里內者咸朝服於道右百步外跪迎送百里外
者免其迎送

駐蹕處地方官不許進獻違者治罪○又定

行幸時內外官員迎送

聖駕均由禮部具題請

旨○康熙十年題準

聖駕巡幸官員迎送由鴻臚寺具題○十四年題準

恭迎

乘輿百里內官員一次不到者罰俸一年二次降二

級調用○二十三年

聖祖仁皇帝東巡前期頒

詔天下凡經過地方各有加

恩親王以下覺羅宗室內大臣侍衛內務府武備院上

駟院鑾儀衛各官及各旗護軍統領前鋒統領
等官均由

欽命扈從其各衙門扈從官內閣滿漢大學士各一人
滿學士一人漢軍侍讀學士一人滿侍讀一人
滿中書九人漢中書二人翰林院掌院學士二
人侍讀學士滿漢各一人詹事府滿詹事一人
起居注館滿主事一人吏部滿尚書一人郎中
二人戶部滿郎中一人員外郎二人禮部滿尚

書一人滿郎中二人員外郎二人兵部滿郎中
二人員外郎二人主事一人刑部滿郎中一人
員外郎一人工部滿尚書一人滿郎中一人員
外郎四人主事二人都察院滿左都御史一人
御史二人吏工二科滿給事中二人太常寺滿
卿一人漢寺丞一人滿典簿一人讀祝官二人
贊禮郎六人光祿寺滿少卿一人滿署丞二人
太僕寺滿少卿一人鴻臚寺卿滿漢各一人滿

少卿一人鳴贊四人國子監滿祭酒一人漢助教一人欽天監滿監正一人靈臺郎一人漢五官正一人博士一人太醫院御醫二人吏目三人各衙門筆帖式及各執事人員均豫行委出按次隨行

駕發京師日鹵簿大駕照常陳設隨從不隨從王以下文武各官各跪送隨行如常儀所過地方鴻臚寺官先期傳知百里以內地方官率本地鄉紳

士民迎於十里之外本地鎮守滿漢官軍整隊
伍亦於十里外恭迎候

駕至跪迎跪送均如常儀至山東泰安州

躬祭

岱嶽渡黃河遣官祭

河神至江南江寧府

親祭

明太祖陵

諭江南督撫江南風俗奢華務令潔已愛民敦本尚實
勒碑於江寧蘇州安慶三府

回鑾至山東

躬詣闕里

親製祝文致祭

先師孔子講書於詩禮堂遣親王致祭

元聖周公

駕還京師不隨從王以下文武各官朝服跪迎如常儀

○二十八年

聖祖仁皇帝南巡

諭朕閱視河工巡省地方恐有司勞煩百姓著行令督撫嚴飭地方官所過道塗停止修治欽此又

命部院本章仍日送內閣內閣彙齊三日一次驛送行在辦理至山東

躬率文武諸臣望祭

岱宗蠲山東二十九年正賦入江南境

閱視河工至浙江會稽山

躬祭

禹陵至江寧府

躬詣

明太祖陵致祭

回鑾至淮安府

閱視高家堰一帶隄岸

指授河臣方畧

駕還京師○三十八年

聖祖仁皇帝南巡前期

諭朕撫馭寰區四方無事獨淮黃兩河為患屢遣大臣督理竟無成功今諸臣請朕親臨指示因命擇吉南行親加詳勘至於吳越襟帶江湖亦為省耕勵俗凡來往所需諸物皆由京師備辦即沿途日用亦令各該衙門照時價採買並無纖毫擾民倘官吏有私行派取者察出即以軍法從事其扈從官員隨行僕從

橫生事端一并從重治罪所經地方百姓不必迴避

照常貿易耕耘行令該督撫示諭各府州縣欽此

駕發京師奉

仁憲皇太后由水路行至清河

御舟前進

臨閱高家堰歸仁堤等隄防畢回至清口迎

仁憲皇太后舟渡河復

臨視隄防

命截留漕糧二十萬石於被水地方減直發糶至蘇州

府

諭前京口接駕兵丁朕恐踐傷麥田盡行遣還今往浙
省塘路狹隘不必設兵扈從又百姓欲覩朕顏踰疇
越陌塞道聚觀不必禁止但令遵令而行欽此又蠲

江南浙江累歲逋賦寬免兩省官吏降罰軍民
犯死罪以下槩予宥釋

賜杭州駐防八旗年七十以上老婦白金有差減免各

關稅及鹽課增額駐江寧府遣尚書祭

明太祖陵復

躬詣祭酒

回鑾仍由水路奉

仁憲皇太后還京師○四十二年

聖祖仁皇帝南巡

閱河由

暢春園啓行至泰安州

登岱遣領侍衛內大臣於

嶽廟致祭蠲山東州縣四十一年未完額賦其東平

六州縣並蠲本年正賦入江南境沿塗

閱視河防至蘇州府

命鴻臚寺卿傳諭本地官員準其來朝浙江官員到杭

州時來朝駐江寧遣大學士祭

明太祖陵又

命皇子往祭酒

回鑾以河工告成頒

詔天下○是年十月

聖祖仁皇帝西巡

命給事中御史各一人於扈從後察有不法者即時鎖
拏并其主叅究至地方官私行禁阻民間貿易
亦指名題叅至山西

諭大學士今近歲暮部院各衙門毋以朕行程日遠有
誤奏事著照常來奏又奉

旨陝西接駕官員軍民人等不必渡河令在臨潼關等候至潼關城遣禮部侍郎祭

華嶽至渭南

閱提督標兵騎射自提督以下官皆加一級至西安府命凡

帝王陵寢及已故勲臣墳墓在百里內者咸祭之分遣內大臣禮部侍郎學士副都統等祭

周文王武王成王康王漢高祖宣帝唐高祖太宗宣

宗陵又奉

旨周文王武王祭文內書

御名又遣散秩內大臣致祭兩故將軍塋

賜滿洲駐防官兵及民年八十以上者白金有差蠲陝

西累歲逋賦

駕由河南還京師過磁州

賜先賢端木子後裔為五經博士○四十四年

聖祖仁皇帝南巡

閱河

駕發京師至通州張家灣登舟由山東入江南境

臨視河工至蘇州府恭逢三月十八日

聖誕百姓爭獻食物奉

旨朕因閱視河工巡訪風俗而來一切用物皆辦自內

府所過地方絲毫無擾爾等毋庸有所進獻至松江

府

御書匾額對聯頒賜青浦孔宅

諭江南學臣朕臨幸松江道經青浦據該邑貢監生員等奏稱青浦之北地名孔宅自漢時至聖苗裔避地居此奉至聖衣冠葬焉朕念

孔子萬世之師既有遺蹟亟宜表彰因親書匾額對聯以示尊崇著選良工摹刻頒發欽此至浙江杭州

府

諭朕頃因親閱河工濟江而南見民生殷繁菜畦麥隴遠近彌望可冀豐穰朕心用慰凡車駕臨幸必沛恩

膏各省錢糧屢次遞蠲浙江本年正賦又經全免惟是刑獄民命攸關今父老子弟夾道歡迎獨身陷囹圄之人自新無路朕甚憫焉浙閩兩省罪犯除詔款所不赦外其餘死罪以下悉減等發落欽此至江寧

府

躬祭

明太祖陵自蘇州過江寧凡

御試士子三中選者給白金令赴京錄用有差又奉

旨江南山東地方所屬人犯照浙閩例減等至清河復
臨高家堰徧閱河隄

回鑾○四十六年

諭朕念淮黃兩河工程為東南要務屢次躬臨河上相
度指示一切修防疏濬業已次第奏功昨歲河漕督
撫諸臣詳勘地形請於溜淮套別開河道直達張福
口以分淮勢朕欲即令動帑興築而督撫諸臣又以
事關創建合辭請朕親閱九卿等集議復再三陳請

朕以諸臣之言奏聞

皇太后祇遵

慈命擇於本年正月二十二日啓行閱河舟楫往返不
御室廬日用所需取辦內府經過府州縣毋得更以
豫備行宮供設御用冒侵庫帑科歛閭閻倘有不遵
事覺定嚴加治罪其文武大小官員私相餽贈徼從
人役生事擾民及姦惡挾私告訐者皆如屢次諭旨
重處不宥即行令各該督撫通飭所屬欽此○是年

聖祖仁皇帝南巡至江寧遣大學士祭

明太祖陵

幸演武場閱射又

親謁

明太祖陵

賜扈從大臣侍衛護軍及執事人等金幣有差

賜將軍總督副都統巡撫總兵等貂帽貂裘馬匹等物

至蘇州遣官祭

金方集卷之二
真武

東嶽

城隍之神蘇州百姓萬餘人集

行宮前進表叩祝

萬壽

賜江蘇巡撫貂帽貂裘至松江

幸演武場閱射

賜提督

御書衣帽鞋帶及弓矢鞍馬扈從大臣侍衛護軍執事
人等金幣有差至杭州

賜將軍福建將軍閩浙總督浙江提督福建水陸提督
巡撫副都統衣各一襲扈從大臣侍衛護軍執
事人等白金有差○乾隆十二年

諭朕以來年春孟月東巡狩因溯洙泗涉杏壇瞻仰
宮牆申景行之夙志復遵

慈訓親奉

鑒輿秩於岱宗旋蹕青齊觀風布澤以昭省方鉅典其
應豫備之各衙門檢察事宜先期請旨至行在所
需悉出公帑無得指稱供頓儲侍絲毫貽累閭閻
羽林衛士內府人役等各該管大臣嚴行稽察約
束並令扈蹕文武臣僚嚴飭儉從毋使侵踐田疇
致妨宿麥如有騷擾地方指名需索者立即叅奏
從重治罪欽此○十三年正月

諭上年山東歉收朕念民食艱難多方振卹倉儲帑

項不惜數百萬以濟災黎而閭閻之欣戚猶且時
縈宵旰今歲二月東巡遵循舊典兼以親臨部屋
下悉民艱雖清塵除道所費皆給於公項絲毫不
以累民而地方官於朕巡幸之所自必力為經營
其於百姓撫卹亦必周備但恐力專於此非輦路
所經即不免有顧此失彼之虞如鄒滕以北民情
尚不致拮据至鄒滕以南實屬收成歉薄倘不思
博濟豈能盡免困乏此等處尤宜加意撫綏蓋朕

輿蹕所歷即闕於整齊亦無妨礙惟小民地處一
偏瞻就不及獨使向隅真堪軫念著該撫董率屬
員留心察覈務令遠近一體膏澤均霑以副朕父
母斯民之望欽此○又

諭此次東巡經過直隸山東地方各營汛兵丁辦差
者著該督撫賞給兩月餉銀以昭恩賚欽此○又
諭朕此次巡幸經過地方目覩麥苗長發出土青蔥
春疇有望其隨從人等雖經特命大臣管束不許

踐踏誠恐人衆稽察稍有未周仍不免於蹂躪著
隨來之滿漢科道沿塗一並察看毋得有妨農務
欽此○是年

駕幸山左疊沛

恩綸經過被災州縣無論極貧次貧均於見振外溥
加一月不經過處所被災七分以上者極貧之
民亦加一月以示優卹直隸山東經過州縣本
年正賦蠲免十分之三山東直輪免錢糧之年

所蠲本年正賦例於來歲免徵先於藩庫地丁銀內照蠲數即行動項賞給明年徵輸歸款

駕至曲阜

親詣

先師孔子廟

元聖周公廟上香翼日

親詣

先師廟行釋奠禮

御詩禮堂講書詣

孔林祭酒並

親詣

少昊金天氏陵致祭遣官祭

元聖周公及魯公

御製顏魯思孟四氏贊遣官致祭

賜孔氏引

駕官內閣中書孔氏及十二氏子孫各官均加一級

其進士舉人貢監生員賞白金有差增廣山東
通省入學名數大學三名中學二名小學一名
十二氏子孫由學政擇其文行兼優者數人貢
入成均以示鼓勵○又

諭朕時邁東巡前詣

闕里至於

岱宗舊典聿修明禋肇薦東省本年錢糧見已普免
因思曲阜泰安歷城鑾輿駐蹕之所也著將三縣

乾隆十四年應徵地丁錢糧全行蠲免俾小民均
霑厚澤欽此○又

諭朕時巡方嶽所過地方既蠲租賜復疊沛恩膏而
薄斂省刑事宜並舉其山東直隸二省監候斬絞
人犯五次緩決者著該督撫分別情罪奏請減等
其軍流以下罪犯亦著減等發落咸予自新用昭
肆赦欽此○又

諭朕臨幸東省凡所過地方已經行慶施惠所有分

駐旗人亦應酌量加恩將山東之德州青州等處
及直隸天津滄州駐防官兵年七十八十以上者
分別賞賚欽此○是年以扈蹕人等安靜奉法王
公大臣及官員兵丁均加賞賚於長蘆鹽庫存公
銀內動給○又

諭朕覽山東通志內恭載

皇祖諭旨東省小民皆依有身家者為之耕種豐年所
得者少凶年則已身並無田產有力者流於四方無

力者即轉於溝壑此等情狀東省大臣庶僚及有身家者若能輕減田租以各贍養其佃戶不但深有益於窮民即汝等田地日後亦不致荒蕪

訓諭諄諄誠切中東省民生利弊也今朕省方問俗親見民情風土歲偶不登閭閻即無所恃南走江淮北出口外揆厥所由實緣有身家者不能贍養佃戶以致資生無策動輒流移夫睦婣任卹自古為重利豈專在窮乏富戶均受益焉轉徙既多則佃

種之人少鞠為茂草富者不能獨耕也何如有無
相資使農民不肯輕去其鄉即水旱無虞大困繼
自今該督撫董率有司實力勸諭務使曉然於貧
富相維之道俾閭閻通周急之情斯黎民享安土
之樂朕於東省有厚望焉欽此○十四年

諭江省督撫等以該省紳耆士庶望幸心殷合辭奏
請南巡朕以鉅典攸闕特命廷臣集議今經大學
士九卿等援据經史且仰稽

聖祖仁皇帝六巡江浙謨烈光昭允宜俯從所請朕軫
切民依省方問俗郊圻近省不憚躬勤鑾輅江左
地廣人稠素所厯念其官方戎政河務海防與凡
閭閻疾苦無非事者第程塗稍遠十餘年來未遑
舉行屢嘗敬讀

聖祖實錄備載前後南巡恭侍

皇太后鑾輿羣黎扶老攜幼夾道歡迎交頌

天家孝德心甚慕焉朕巡幸所至悉奉

聖母皇太后遊賞江南名勝甲天下誠親掇

安輿眺覽山川之佳秀民物之豐美良足以娛暢

慈懷既詢謀僉同應允從所請但朕將以明年秋幸五

臺經太原歷嵩洛趙魏回鑾已涉冬令南巡之舉

當在十六年春正我

聖母六旬萬壽之年也將見巷舞衢歌騰歡獻

祝稱朕以天下養之至愛上以廣承

歡之慶下以慰望幸之忱益深嘉悅屆期諏吉以聞嚮

道人員朕酌量先期簡命前往清蹕所至簡約儀
衛諸凡出自內府無煩有司供億至行幸宿頓不
過偶一經臨即暫停亦不踰旬日前歲山左過求
華麗多耗物力朕甚弗取曾經降旨申飭明歲晉
豫等省以及江南皆不可仿倣至名山古蹟南省
尤多亦祇掃除潔淨足備臨觀而已毋事崇飾倘
有頽圯隨宜補葺悉令動用官項且有鹽政存公
之項可以報銷但當據實不得任有司浮冒其民

間張鑑結采

聖祖嘗以為戒載在方冊宜其恪遵其慎勿以華侈相
尚所司通行曉諭欽此○又

諭朕前經降旨於來年秋間巡幸五臺由晉入豫省
覽中州迴蹕畿輔近日嚮道人員閱看營盤道路
回奏稱自太原一路至河南境經由太行山麓甚
為崎嶇狹隘朕省方巡幸惟取民便若因修治道
塗重煩民力非朕觀風問俗本意應於春間霸州

水獵之便即詣五臺秋間百穀登場後再幸中州
欽此○又

諭閩浙總督浙江巡撫奏請臨幸浙省閱視海塘前
因江南督撫等奏請南巡特命大學士九卿會議
詢謀僉同業經降旨俞允江浙鄰封接壤均繫

聖祖屢經臨幸之地且海塘亦重務也今據該省士民
感恩望幸羣情踴躍督撫合辭代奏宜允所請於
十六年春南巡便道前至浙省臨視塘工慰黎庶

瞻依之意所至不煩供億勿事興修勿尚華靡已
詳具前旨其共喻焉欽此○十五年

駕幸中州

親祭

嵩嶽遣官致祭

河瀆衛水

周文王廟

漢光武帝

周世宗陵

鑿輿所經蠲免錢糧十分之三歛收者蠲免十分之
五駐防官兵及百姓男婦年七十以上者均分
別賞賚軍流以下罪犯減等發落經過直隸河
南營汛兵丁辦差者均賞給兩月餉豫省在籍
官員迎

駕者賞給職銜○又

諭此次巡幸河南省方問俗所至推恩尤念祥符為

省會之區登封實望秩之所鑾輿駐蹕宜沛優施
著將乾隆十六年二縣應徵地丁錢糧全行蠲免
俾愷澤均霑以愜小民近光之願欽此○又

諭朕舉行秋狩覲岳省方蓋欲周覽民情懋登治理
凡地方之利弊官吏之賢否與夫政令之得失清
蹕所至日切疇咨河南地宅土中素稱淳樸今值
雨暘協應禾稼告登巡行之次親見閭閻望幸童
叟歡欣而俗尚敦龐室廬寧輯朕懷深為欣慰顧

惟因時保治之方其權實操之自上撫臣表率通
省藩臬任寄旬宣以至郡守牧令與民愈親則導
民尤切應仰體朕心力行善政敦本訓俗除慝安
良教養兼施屏虛文以求實政其在小民亦當敦
禮樂務農桑從儉去奢力田孝弟以期共享昇平
之福朕於該省臣民有厚幸焉欽此○又

諭明歲恭逢

聖母皇太后六十萬壽之年朕於新正恭奉

金史卷一百一十二
鑾輿巡幸江南浙江省方觀民入疆考績式遵

祖烈慶典斯行東南父老共効嵩呼洵昇平之盛事惟
念江浙二省襟帶江湖程塗稍遠自

皇祖聖祖仁皇帝南巡以來

異數隆恩昭垂史冊迄今四十餘年朕俯從望幸之忱
倍切勤民之隱前於大學士九卿等議準兩江總
督等奏內已降旨諄切曉諭又特遣嚮道大員等
前往面傳諭旨務從儉約一切供頓絲毫不累民

間凡地方大吏職在旬宣自能仰體朕心遵旨辦理但恐地方有司奉行不善或窮鄉僻壤未及周知是用再行申諭各該督撫及所屬官民人等尚其凜遵前旨共期搏節以敦善俗以導淳風如所在行宮與其遠購珍奇雜陳玩好不如明牕淨几灑掃潔除足供信宿之適也經過道路與其張鐙懸采徒侈美觀不若葺屋茅檐桑麻在望足覘盈寧之象也關闡通衢人煙稠密正以見懋遷有無

之樂不得因道路湫隘俾遷移廛舍或致商民失
業也朕翠華所及念切民依惟期宣達羣情勤求
治道上以奉

慈顏之悅豫下以答黎庶之瞻依凡屬虛文浮費槩宜
實力屏除用光鉅典其扈從滿漢文武大小官員
侍衛等皆當奉公守法不得與地方官往來交際
潛通餽遺兵丁以及隨從人等著該管大員各嚴
加約束經行所至不得稍有滋擾春苗遍野毋得

踐踏違者從重治罪務令白叟黃童並霑膏澤共
樂恬熙副朕問俗觀風行慶施惠之至意欽此○

又

諭朕明歲南巡江浙省方問俗務使民商樂業肆不
改廛如京口諸處為南北咽喉百貨叢集舳舻銜
尾皆民間日用所資不可稍有閒闕恐地方有司
因御舟將至惟使河道肅清先期於各處早為攔
阻以致商賈裹足不前市價昂貴於民生殊多未

金匱要略卷之六
便著速行傳諭各該省督撫酌量辦理祇可於三五日期稍令避入支港埃過即放遄行以副朕便民卹商至意欽此○十六年

諭向例鑾輿巡幸經過地方官員應行接駕由鴻臚寺具奏里數請旨臨時該寺帶領接駕至駐蹕後復奏聞帶領行禮朕入疆考績地方大吏隨營行走不時召見即州縣各官凡有承辦差務者業已於路旁隨便跪接此皆不在帶領行禮之列其帶

接行禮者非散員即武弁教職充數之人此何為者而鴻臚寺官員先期傳示不免滋擾嗣後凡應接駕人員祇令鴻臚寺在京奏請里數得旨行知其一切繁文及接駕後赴鴻臚寺投遞職名摺著停止以示朕行簡務實之意欽此○是年

車駕南巡經過山左遣官致祭

岱宗

先師孔子

元聖周公至宿遷登舟踰淮揚抵浙江遣官致祭

河瀆

淮瀆

江瀆

海神

南鎮會稽山

親詣

禹陵

明太祖陵致祭凡河工海塘咸

指授機宜

諭以修防之道○是年疊頒

諭旨截留漕糧十有五萬石蠲免乾隆元年至十三

年江蘇積欠地丁二百二十八萬有奇安徽積

欠地丁三十萬五千有奇乾隆十六年浙江地

丁錢糧三十萬兩經過直隸山東地方蠲免正

賦十分之三山東災民借穀分為五年帶徵鄒

平等縣從前帶徵未完穀九十七萬五千餘石
槩行蠲免經過江蘇所屬之宿遷清河桃源三
縣被災貧民所借籽種均免其徵還浙江溫台
等屬上年被災之處已振者更予加振直隸山
東江浙辦差營汛兵丁各賞兩月餉江南牽纜
河兵加賞一月

鑾輿所至存問高年駐防官兵七十八十以上民間
男婦年七十以上者均分別賞賚在籍官紳遠

迎

車駕隨時賞賚或量給職銜或以原官起用其士子
獻頌者

欽點扈從大臣會同學臣試以詩古文辭拔其尤者
引

見生員貢監

欽賜舉人授內閣中書江蘇安徽浙江本年歲試文
童府學及州學大學增取五名中學四名小學

三名○又

諭朕經過淮安內外皆水雖有土隄為之防而人煙
湊集之區設經異漲其何以堪甚覺怵然亟應改
建石工以資保障著河臣會同總督及時建築毋
忽欽此○又

諭此次隨從人等至順河集登陸後所用舟楫令其
各回生理恐牐口壅滯多被攔阻窮苦船戶回空
並無雇直停泊之候何以資生著遣侍郎一人會

同將軍總漕等來往順河集清江浦一帶將此項
回空船於二三日內令其盡行過牘以示體卹欽

此○又

諭朕命駕時巡周覽風俗觀民察吏惟日兢兢三吳
尤素所厯念也粵自我

聖祖仁皇帝巡幸東南先後六舉歷今四十餘年盛典
昭垂衢謠在耳頃者入境以來白叟黃童扶攜恐
後就瞻愛戴誠意可嘉朕已疊沛恩膏廣敷渥澤

惟念大江南北土沃人稠重以百年休養戶口益
增習尚所趨蓋藏未裕紛華靡麗之意多而樸茂
之風轉有未逮夫去奢崇實固閭閻生計之常經
而因時訓俗以宣風而布化則官茲土者之責也
其當勵乃實心以行實政無忝教養斯民之任凡
茲士庶更宜各敦本業力屏浮華以節儉留其有
餘以勤勞補其不足時時思物力之艱難事事惟
侈靡之是戒將見康阜之盛益臻父老子弟共享

昇平之福朕清蹕所至有厚望焉欽此○又

諭朕向來巡幸地方惟修治道塗此外一無華飾自
乾隆十三年東巡該撫等於省會城市稍從觀美
後乃踵事增華雖謂巷舞衢歌輿情共樂而以旬
月經營僅供塗次一覽實覺過於勞費且耳目之
娛徒增喧聒朕心深所不取第見先期業經豫備
今歲恭遇

皇太后萬壽兆庶亦藉以申祝嘏之忱是以俯順民情

至朕待督撫有司惟因其能實心辦事令地方日
有起色方加恩獎予而不知朕心者未必不以辦
差華美求工取悅為得計將玩視民瘼專務浮華
此風一開於吏治民風所關甚大嗣後尋常行幸
槩不準行違者以違制論並諭中外知之欽此○

二十年

諭平定準噶爾捷聞以數十年逋寇迅就廓清荒服
敕寧中外蒙福乃我國家無疆之庥緬惟

皇祖聖祖仁皇帝削平三孽於康熙二十三年諏吉

東巡

親祭闕里

武功文德彪炳簡冊朕仰承

先烈集此大勲保泰持盈彌深兢業

先師孔子闕里理應恪循

成憲躬詣行禮用申誠敬且自瞻謁

林泉已逾六載仰止之念時切於懷擬於明歲春月

自京起鑾恭詣曲阜翠華所經亦以體察吏治清
問閭閻行慶施惠以稱朕法

祖尊

師之至意欽此○二十一年

駕幸山左

鑾輅所經蠲免錢糧十分之三曲阜一邑錢糧全行

蠲免德州青州駐防兵丁辦差者賞兩月餉兵

丁內七十八十以上及民男婦七十以上分別

賞賚軍流以下罪犯減等發落

駕至曲阜

親釋奠於

先師禮成後詣

元聖周公廟上香

少昊金天氏陵致祭遣官祭

顏曾思孟四氏專祠

--	--	--	--	--	--	--	--

御新宮

一

皇帝御新宮順治三年

位育宮成

世祖章皇帝御新宮是日早內大臣侍衛齊集候隨
皇帝臨新宮鑾儀衛設鹵簿大駕於丹陛上東旁捧王
等所進慶賀表文奉安綵亭內作樂迎至

午門外亭止禮部堂官自亭內奉表進

午門左門至

太和殿奉安東旁黃案上王以下文武各官咸朝服齊集於

太和殿前內院大臣奏請

皇帝陞座

皇帝御中和殿陞座內大臣侍衛行三跪九叩禮次內院大臣禮部都察院堂官鴻臚寺鳴贊官行三跪九叩禮畢

皇帝御太和殿鳴鐘鼓樂作

陞座樂止鳴鞭內外王以下公以上及外藩王額駙等
在丹陛上兩旁序立鳴贊官贊進贊跪衆皆跪
贊進表大學士於東旁黃案上奉表文跪宣畢
鳴贊官贊行三跪九叩禮畢各就原位立乃
賜燕王等入

殿內貝勒以下在丹陛上各官在丹墀青幕內各
就坐行一叩禮燕畢謝

恩行一跪三叩禮禮成鳴鞭作樂

皇帝還宮衆皆退○十三年

乾清宮

坤寧宮

景仁宮成擇吉

世祖章皇帝御新宮前期一日遣官各一人祇告

天

地

太廟

社

稷屆期一應禮儀均與三年同次日

御太和殿

頒詔天下

一

皇太后御新宮順治十年

慈寧宮成擇吉

昭聖慈壽皇太后御新宮前期一日

世祖章皇帝遣官祇告

太廟如儀是日早

皇太后儀駕全設於宮門外公主福晉以下郡君輔國

公夫人都統尚書子命婦以上咸朝服齊集宮

門東

皇太后出宮乘輿樂作儀駕前導公主福晉等排班隨

後至

慈寧宮門公主福晉等止立候

皇太后陞宮

皇帝乘輿自右翼門出內大臣侍衛咸朝服隨後至

永康左門

皇帝降輿入

慈寧門內至丹陛上東旁立內監奏請

皇太后陞座

皇太后御內殿樂作

陞座樂止

皇帝詣正中立內大臣等在丹陛上立侍衛等在丹墀

內立鴻臚寺官奏跪拜興

皇帝行三跪九拜禮內大臣等皆隨行禮畢

皇帝轉立東旁內監奏請

皇太后還宮樂作

還宮樂止

皇帝出乘輿還宮次公主福晉大臣命婦等排班齊集

內監奏請

皇太后陞座

皇太后御內殿樂作

陞座樂止公主福晉等行禮畢公主福晉大臣命婦等

入

慈寧宮內

賜燕燕畢謝

恩行二肅一叩禮樂作

皇太后還宮樂止衆皆退○康熙二十八年

寧壽宮成擇吉

仁憲皇太后御新宮一應禮儀均與順治十年同○乾

隆元年

崇慶皇太后御

慈寧宮前期一日遣官各一人祭告

太廟後殿

奉先殿如儀是日

皇太后儀駕全設於

啟祥門外至

慈寧門外宮殿監侍等豫設

皇太后鳳輿於

景仁宮中奏請

皇太后具禮服乘輿宮殿監寺等八人咸吉服前引內

務府總管內管領等命婦咸吉服隨行由

啟祥門出前列儀駕至

隆宗門外

皇太后鳳輿進

慈寧宮中門先暫御

後宮執事官豫設

皇帝拜褥於

慈寧門檻外正中設

皇太后儀駕於

慈寧門外至

長信門外設丹陛樂於

慈寧門內設中和韶樂於

慈寧宮丹陛上均北嚮設而不作禮部堂官奏請

皇帝御禮服乘輿出宮禮部堂官前導由

隆宗門至

永康左門

皇帝降輿禮部堂官恭導

皇帝由左階陞至

慈寧門外東旁立禮部堂官轉傳內監奏請

皇太后陞座

皇太后具禮服陞

慈寧宮座禮部堂官恭導

皇帝詣正中拜褥上立鴻臚寺官引內大臣侍衛於
儀駕末排立鳴贊官奏跪叩興

皇帝行三跪九拜禮內大臣侍衛等皆隨行禮此行
禮時設鳴贊官四員御史二員於

慈寧門檐下設御史二員禮部官二員於儀駕末
侍儀鳴贊官奏禮成禮部堂官恭導

皇帝復原位立轉傳內監奏請

皇太后還宮

皇太后還宮禮部堂官恭導

皇帝出陞輿還宮禮部堂官轉傳內監奏請

皇后率

貴妃

妃

嬪等詣

皇太后宮行禮侍衛命婦豫設

皇后拜褥於月臺上正中設

貴妃

妃

嬪拜褥於左右稍後

皇后率

貴妃

妃

嬪等具禮服乘輿依次由

啟祥門出至

徽音左門降輿入大臣命婦前導

皇后前行

貴妃

妃

嬪等隨行至

慈寧宮月臺上西旁東嚮立

貴妃

妃

嬪等於

皇后稍後分班東西嚮立引禮二大臣命婦轉傳內

監奏請

皇太后陞座

皇太后禮服陞

慈寧宮座引禮二大臣命婦引

皇后於正中拜褥上立

貴妃在左

妃在右

嬪亦在右咸就拜位嚮上立

皇后率

貴妃

妃

嬪等行六肅三跪三拜禮引禮二大臣命婦奏禮

成引

皇后

貴妃

妃

嬪等復原位立轉傳內監奏請

皇太后還宮

皇后率

貴妃

妃

嬪等族奉

皇太后御

壽康宮是日停止公主福晉命婦齊集停止筵燕免
賜茶

欽定大清會典則例卷六十

欽定四庫全書

史部

欽定大清會典則例卷六十一

詳校官檢討臣劉炘

編修臣程嘉謨覆勘

總校官原任中允臣王燕緒

校對官中書臣孫梅

臚錄監生臣徐莊

欽定四庫全書

欽定大清會典則例卷六十一

禮部

儀制清吏司

耕藉

一

耕藉順治十一年

世祖章皇帝躬祭

先農壇行耕耤禮畢

御齋宮

今為慶成宮

賜羣臣燕曰勞酒○是年題準

耕耤前一日順天府以龍亭三載

躬耕耒耜鞭稻種青箱以采亭四載諸王從耕麥種

穀種青箱九卿從耕豆種黍種青箱至

午門外亭止順天府官奉耒耜種箱由左門入陳

設於

太和殿階下竣

上御中和殿閱祭

先農祝版畢戶部官奉入

中和殿依次陳設

上御殿閱視畢還宮戶部官奉出

太和殿下授順天府官奉出

午門置各亭內送耕藉所至日

上禮服詣

先農壇致祭畢

御具服殿更龍袍王以下文武各官更蟒袍補服順天府官陳龍亭於采棚內左右陳采亭於采棚外東西從耕位禮部堂官奏請行

耕藉禮導駕官同太常卿導

上至耕位南嚮立從耕三王九卿各就耕位立不從耕王以下各官在席棚外序立鴻臚寺官贊進耒耜戶部尚書北面跪進耒耜贊進鞭順天府

尹北面跪進鞭禮部鑾儀衛太常寺堂官導

上秉耒三推

黃耒駕以黃犢

教坊司

今為樂部和聲署

樂工歌三十

六禾辭順天府丞奉青箱戶部侍郎播種耆老

隨後覆土畢鴻臚寺官贊受耒耜戶部尚書跪

受耒耜贊受鞭順天府尹跪受鞭各置亭內禮

部太常寺堂官導

上御觀耕臺南嚮坐王以下文武各官按翼序立次

三王各五推次九卿各九推

皆朱耒駕以黝牛

順天府

屬官執青箱播種耆老隨後覆土畢各就侍班
位立禮部尚書奏耕耤禮成導

上由東階降出先農門乘輦教坊司作導迎樂至
齋宮門樂止

齋宮內大樂作

駕至齋宮檐前降輦

陞座樂止王公由左右門入文武各官由東西旁門
入按翼序立丹陛樂作順天府尹率所屬官及

耆老農夫行三跪九叩禮畢樂止由西門出率
農夫終畝

賜王公坐候耕畢順天府尹暨丞率大興宛平縣官
由東門入報終畝鴻臚卿進至

殿門外跪奏

親耕既成禮當慶賀鳴贊贊排班王公於丹陛上文
武各官於丹墀內各序立丹陛樂作贊跪叩興
各行三跪九叩禮樂止諸王由

殿左右門入員勒以下各於原立位行一叩禮序
坐

賜茶畢大樂作

上御後殿樂止光祿寺設燕畢禮部尚書奏請

御前殿大樂作

上陞座樂止王以下文武各官皆就原位行一叩禮
序坐進燕教坊司作樂進酒王以下文武各官
咸於坐位跪一叩復坐教坊司承應用大樂隊

舞雜劇燕畢諸王出

殿門就原立位貝勒以下咸起立鳴贊贊排班行
一跪三叩禮各出

齋宮門外祇候

駕興鹵簿前導導迎樂作

上還宮王公從衆皆退○又奏準耆老每人賞布一
疋○康熙十一年

聖祖仁皇帝親行耕藉禮前期一日遣官祇告

奉先殿是年耕耤日因值

日壇齋戒停止行慶賀禮筵燕作樂○雍正二年

世宗憲皇帝祭

先農壇行耕耤禮前期一日祇告

奉先殿○是年題準

躬耕帝耤教坊司領樂官四人頂帶老人四人工歌

三十六禾辭者十有二人司金司鼓司版者各

六人麾五色采旗者五十人執叉扒鋤帚披簑

戴笠者二十人順天府耆老三十四人上農夫
十人中農夫十人下農夫十人

皇帝右秉耒左執鞭耆老二人牽牛上農夫二人扶
犁工鳴金鼓歌三十六禾辭招飈采旗唱和隨
行三推三返畢次從耕三王各耆老一人牽牛
農夫二人扶犁五推五返畢次從耕九卿各耆
老一人牽牛農夫二人扶犁九推九返

齋宮進燕丹陛樂作奏雨暘時若之章進酒管絃

樂作笙簫合奏奏五穀豐登之章進饌清樂作
奏家給人足之章餘儀與順治十一年同○又
奉

旨今年耕耜朕四推四返御齋宮賜王公大臣茶停止
筵燕賞耆老農夫布各四疋欽此○八年奏準二月
十二日行耕耜禮前一日遇素服日期停止

閱農器穀種至期行

親耕禮如儀停止筵燕○乾隆三年

皇上舉行

親耕禮停止筵燕與雍正二年同○五年奏準三月初十日屆耕種之期適逢閏歲節氣尚寒此次令順天府尹照直省督撫例行至來歲春和再請舉行

親耕之禮○八年

耕耜設樂用和聲署正二人丞二人率署史歌禾辭者十有四人司金司鼓司版司遽司笙司簫者

各六人麾采旗者五十人董以樂部典樂一人

○九年

親耕奉

旨朕四推四返不御齋宮不賜茶三王一推一返後
九卿即行從耕欽此○十三年

車駕東巡遣官致祭

先農壇其耕耤禮令順天府尹照直省督撫例行○

二十年改

齋宮為

慶成宮○二十三年

諭吉亥耜畝所重劬農黛耜青箱畚鍤蓑笠咸寓知
民疾苦之意而設棚懸采以庇風雨義無取焉吾
民涼雨犁而赤日耘雖襁褓之尚艱豈炎濕之能
避且片時用而過期徹所費不啻數百金是中
數十家之產也其飭除之欽此

一直省耕耜雍正四年議準奉天直隸各省於

該地方擇地為耤田以雍正五年為始每歲仲
春府尹督撫及府州縣衛所等官率所屬耆老
農夫行耕耤禮該督撫將設立耤田畝數報明
戶部禮部存案○五年議準直省各擇東郊官
地潔淨豐腴者立為耤田如無官地動支帑銀
置買民田以四畝九分為耤田每歲耕耤之日
祭

先農禮畢各官咸易蟒袍補服省城督撫秉耒知縣

執青箱知府播種府城知府秉耒佐貳執青箱
知縣播種州縣正印官秉耒佐貳執青箱播種
專城衛所正印官秉耒如無屬員即選擇耆老
執青箱播種耕時用耆老一人牽牛農夫二人
扶犁悉照九卿之例九推九返農夫終畝耕畢
各率耆老農夫望

闕行三跪九叩禮其農具用赤色牛用黑色箱用
青色所盛籽種各從其土之宜即著守

壇農夫灌溉耜田地方官不時勸課將每年所收米穀及用過粢盛數目造冊報布政使司送戶部覈實至各省耕耜日期每歲十一月

頒時憲書後交欽天擇日由部奏請

欽定通行奉天府府尹直隸各省督撫轉飭所屬同日舉行永著為令○是年

諭嗣後耕耜日爾部豫先擇定日期奏明行文各省督撫同日一體遵行仍將遵行耕耜日期奏聞欽此○

又覆準吉林黑龍江二處將軍照各省督撫府
州縣衛所之例該將軍每歲舉行耕藉之禮

欽定四庫全書

欽定四庫全書
卷六十一

親蠶

一

親蠶雍正十三年議準

京師於北郊擇地建

先蠶壇每歲以季春巳日遣禮部堂官一人承祭直
省各府州縣均於北郊設立

先蠶壇以季春巳日致祭一切禮儀均依祭

先農典禮○乾隆元年議準停止建立

先蠶壇改立

先蠶祠宇至期遣禮部堂官一人承祭其各省蠶壇

皆罷設○七年議準

皇后親饗

先蠶暨

躬桑禮分兩日舉行每歲以季春之巳吉日祭

先蠶

躬桑以蠶生未眠之前風日晴和為良日若致祭之

明日蠶尚未生。俟蠶生時。內務府具奏。若蠶已生。卽於是日進筐鉤。

皇后御交泰殿閱視。又明日行。

躬桑禮。○又議準。

皇后躬桑。從採桑者九人。

妃。

嬪二位。公主。福晉以下。輔國公夫人以上。三人。文官。左副都御史等官以上。武官。副都統暨二品。

官以上命婦共四人公主福晉夫人等由宗人府開送大臣命婦由內務府開送均於前期一月移取無事故者奏請

欽點○又定設蠶宮令一人丞一人經理蠶務以首領內監充補由宮殿監督領侍遴選列名奏請欽點○又定設蠶母二人於內外命婦中擇年高迪吉嫺於禮儀者為之總理禮儀之事不必移居蠶室

皇后躬桑率蠶婦以從獻繭奉繭以進

皇后繅三盆手相其儀蠶婦二十七人以舊經內苑育蠶熟悉蠶事者為之居蠶室朝夕飼養○又議準執事女官典儀二人掌奏請

皇后行禮之儀贊引二人掌恭導

皇后行禮之儀傳贊六人掌分導從採暨蠶母受筐唱贊行禮之儀對引二人掌引導前引十人在對引前導引相儀二人在

皇后後隨宜襄贊補闕八人凡執事有遺闕者補之
前期三月內務府列應執事人名奏請

欽點

命下之日令內監監視習儀禮成之後分別賞賚臨
期內務府請

旨行○又議準

皇后採桑時照耕藉三十六禾辭之例唱採桑歌執
采旗者四十人司金鼓版六人司笙簫遂十有

八人歌者十人在桑林外東西序列咸以內監
充之先期令內監監視演習○又議準繭成之
日蠶婦報蠶宮令蠶宮令報內務府擇獻繭及
繅絲吉期以

聞及期蠶母率蠶婦擇繭之圓潔者貯筐獻

皇后

皇后受繭以獻

皇太后

皇帝仍分

賜

妃

嬪訖

皇后率

妃

嬪

親臨織室蠶母蠶婦全獻繭之所登者相儀命婦奉

盆水蠶母納繭於盆

皇后三繅

妃

嬪五繅畢遂布於蠶婦之吉者使繅而朱綠元黃
之以供

郊

廟黼黻之用○九年奏準賞執事女官皆表裏各二疋
蠶母各銀二十兩蠶婦各銀十兩

欽定大清會典則例卷六十一